

Saksnr: 2019/112-1
Saksbehandlar: Hanne Espe og Atle Skrede

Saksframlegg**Saksgang**

Utval	Utv.saksnr.	Møtedato
Hovudutval for kultur, idrett og integrering		02.12.2019

Tilskot til lavterskel fysisk aktivitet for barn og ungdom - reviderte retningslinjer**Forslag til vedtak**

1. Hovudutval for kultur, idrett og integrering ynskjer å stimulere til utvikling av nye tilbod som skal bidra til å få fleire barn og unge i Vestland fysisk aktiv kvar dag.
2. Hovudutval for kultur, idrett og integrering vedtek retningslinjer for ordninga tilskot til lavterskel fysisk aktivitet for barn og ungdom i Vestland.

Samandrag

Hordaland fylkeskommune har i mange år hatt ei tilskotsordning til lavterskel fysisk aktivitet for barn og ungdom. Påtroppande fylkesdirektør si vurdering er at tilskotsordninga har vore vellukka og vil tilrå at tilskotsordninga vert vidareført i Vestland. Tilskotsordninga skal stimulere til prosjekt som gjer det enklare for barn og ungdom å vere aktive i sine lokalmiljø. Påtroppande fylkesdirektør tilrår å kanalisere tiltaka gjennom regionale organisasjonar og større samarbeidsprosjekt for å sikre overføringsverdi og gjennomføringskraft.

Per Morten Ekerhovd
påtroppande direktør for
kultur, idrett og inkludering

Britt Karen Spjeld
påtroppande leiar for seksjon
idrett og friluftsliv

Saksframlegget er godkjent elektronisk og har difor inga handskriven underskrift.

Vedlegg

- 1 Retningslinjer - Tilskot til lavterskel fysisk aktivitet for barn og ungdom i Vestland

Saksutgreiing

Bakgrunn for saka

Tilskotsordninga for lavterskel fysisk aktivitet har gjennom fleire år sikra midlar til store og små tiltak ut i kommunane i Hordaland, for ei rekkje målgrupper. Det har vore justert litt på retningslinene undervegs for å spisse tiltaka mot målgrupper ein ønskja å satse ekstra på.

Vedtakskompetanse

Hovudutval for kultur, idrett og integrering

Vurderingar og verknader

Det har ikkje vore tilsvarande tilskotsordning for Sogn og Fjordane, og det er ønskjeleg å vidareføre denne ordninga på ein best mogleg måte for å fremje fysisk aktivitet i heile Vestland fylke. Difor vert det lagt opp til at det er dei regionale ledda av friluft- og idrettsorganisasjonar som kan søkje om tilskot. Av desse er det allereie god dialog på tvers av fylkesgrensene, og mange jobbar godt saman om felles mål og tiltak for Vestland.

Økonomi: Storleiken på tilskot for 2020 vert handsama av Fylkestinget i ordinær budsjetthandsaming.

Klima: Ingen relevans

Folkehelse: Tilskot til lavterskel fysisk aktivitet vil ha ein klar relevans for både fysisk og mental helse.

Regional planstrategi: Tilskotsordningane er sentrale verkemiddel for å følgje opp viktige satsingar i Regional kulturplan i Hordaland 2015-2025. PREMISS: KULTUR og Regional plan for kultur i Sogn og Fjordane 2019-2027. Kultur for alle.

Konklusjon

Påtroppande fylkesdirektør tilrår at tilskotsordninga for lavterskel fysisk aktivitet for barn og ungdom i Hordaland, vert vidareført i Vestland.